



Giredi
ya **1**

Buku Leyikulu ya swihungwana

XITSONGA



basic education

Department:
Basic Education
REPUBLIC OF SOUTH AFRICA

Buku ya

8

Matirhiselo ya Buku Leyikulu:



Switori leswi nga ebukwini leyi:



1 Ann u ya eka dokodela

1



2 Busi u xava bayisikiri

13

Tanihi mudyondzisi, u ta fanela ku kunguhata no lulamisela ku endla nghingiriko wa ku hlaya swin'we na tlilasi ya wena. Ko tala loko ku endliwa nghingiriko wa ku hlaya swin'we, mudyondzisi u tirha na tlilasi hinkwayo, hambiswiritano, loko tlilasi ya wena yi ri yikulukumba swinene, swi nga va kahle ku tirha na ntlawa kumbe xiphemu xa tlilasi. Tiyisia leswaku vana va kota ku tshamiseka no vona Buku Leyikulu leswaku va ta kota ku hlaya xitshuriwa.

Hi nkarhi wo hlaya swin'we wa Buku Leyikulu n'wana u dyondza makhomelo ya buku, a khoma buku yi languta kahle ehenhla, a phendla buku kahle. Swi hluvukisa kahle minongoti ya masungulo ya buku – khavhara, emahlweni, endzhaku na vito ra buku. Swi tlhela swi kombeta ndlela leyi ku hlaya ku humelelaka hayona naswona i swa nkoka eku hluvukiseni ka vutshila bya n'wana byo yingisela, byo vulavula, byo hlaya, byo ehleketa na byo tsala tanihilaha swi lavekaka hakona eka XIPHOKHAMA:

- Ku hluvukisa vutshila byo yingisela na byo vulavula.
- Ku hluvukisa vutshila bya ku hlaya loku hluvukaka.
- Ku hlamula swivutiso mayelana na xitori.
- Ku va ni xiave loko ku endliwa mikanelo, ku nyikana nkarhi wo vulavula.
- Ku dirowa na ku encenyeta xitori.
- Ku tirhisa swifaniso ku vhumba leswi xitori xi vulavulaka hi swona.
- Ku tirhisa ku hlaya swin'we tanihi masungulo ya ku tsala swin'we.

Ku tilulamisela nkarhi wo hlaya swin'we wa Buku Leyikulu

- Tiyisia leswaku vana hinkwavo va kota ku vona buku. Loko tlilasi ya wena yi ri yikulu, swa antswa u tirha na ntlawa lowutsongo.
- U ta kuma leswaku swa ku pfuna ku yimisa buku ku endlela leswaku u nga tikumi u yi khoma loko u ri karhi u hlaya. (Vona swiletelo swo endla xitende xa buku eka khavhara ya le ndzhaku.)
- Tirhisa rhula kumbe xo kombetela ku landzelerisa marito loko u ri karhi u hlaya.
- Loko u lava ku tshirekelela marito yo karhi, u nga namarheta swiphephana ematlhelweni ya rito ra kona leswaku ri vonakala swinene kumbe u nga endla 'fasitere ra masalamusi'. Tirhisa xiphephana xa rhekthengula (yinhlamune) lexi nga na mbhovo exikarhi kutani u xi veka ehenhla ka xitshuriwa leswaku ku vonakala ntsena rito rin'we.

Nkarhi wo sungula wo hlaya swin'we.

Nkarhi wo sungula wu pakanise eka ku tiphina no 'languta' xitshuriwa ro sungula na vana va ri karhi va nyika mavonelo ya vona mayelana na xitori.

- Phendlaphendla xitori lexi va nga ta xi hlaya. Vulavula hi swifaniso.
- Kombela vadyondzi ku vhumba xitori ku ya hi vito ra xona na swifaniso.
- Hlamusela marito lamantshwa kumbe yo tika vadyondzi va nga si sungula ku hlaya xitori.
- Endla makhadi ya marito ku tivisa ntivomarito lowuntshwa.
- Hlaya xitori, u tirhisa swikoweto no cincacinka rito ra wena, rivilo na thoni. Tirhisa ninginiso wa swirho na ngohohe.
- Landzelerisa nkandziyiso loko u ri karhi u hlaya hi ku kombetela eka marito hi nhonga kumbe hi rhula leswaku vana va ta vona leswi u swi hlayaka kutani va yelanisa mpfumawulo na tinhlanga leti nga eka papila rero. Leswi swi ta tlhela swi va pfuna eka endlelo ro hlaya ku sukela eximatsini ku ya exineneni no sukela ehenhla ku ya ehansi.
- Tirhisa nkarhi lowu tanihi nkarhi wo dyondzisa 'ririmi ra buku' tanihi: marito, xivulwa, papila, mutsari vito ra buku, na swin'wana na swin'wana.
- Pfumelela vadyondzi ku va ni xiave exitorini hi ku ku joyina loko ku ri na xiyimo lexi vuyeleriwaka (xik, "tsutsuma, tsutsuma, tsutsuma hi rivilo tanihilaha u nga swi kotaka hakona, u nge ndzi khomi – hi mina wanuna wa xinkwa xa jinja!").
- Xitori xin'we xi fanele ku hlaiwa kambirhi kumbe kanharhu ku endlela ku nyika vadyondzi nkarhi wo vuyeleta swiphemu swa ririm, ku encenyeta mgingiriko kumbe ku tlhela va hlamusela swiphemu swa xitori hi marito ya vona vinyi.

Nkarhi wa vumbirhi wo hlaya swin'we.

- Eka nkarhi wa vumbirhi ku tlhela ku tirhisiwa xitshuriwa lexi a xi hlaiwa kutani ku pakanisiwa eka ku va vana va va ni xiave eka ku hlaya na mudyondzisi hi ku tirhisa mikanelo/mimbhurisano leyi humelelaka leswaku ku ta hluvukisiwa ntwisiso wa ntivomarito, ku hluvukisiwa vutshila byo kuma tinhlamuselo na swivumbeko swa switshuriwa (vuvulavuri, mahikahatelo, na swin'w.).
- Swi le ka wena, tanihi mudyondzisi, ku koka nyngiso wo pakanisa eka ku dyondza loku langutanaka na swin'wana swa leswi landzelaka: minongoti yo kandziyisa marito, swihlawulekisi swa switshuriwa, mpfumawulo, tipatironi ta ririm, maqhinga ya ku boxa marito no twisia eka tilevhele to hambanahambana (swivutiso swo lava tinhlamulo to kongoma, to lulamisa nongoloko lowu hoxekeke, to ehleketelela, to pimanyeta na ta mikhenso).

Nkarhi wa vunharhu wo hlaya swin'we.

- Eka nkarhi wa vunharhu wo hlaya swin'we, vana va fanele ku tihiayela xitshuriwa hi voxne no endla mgingiriko ya swanomo, yo endla kunene hi mavoko na yo tsala yi karhi yi kongomisiwa eka xitshuriwa.
- Laha swi kotekaka, xitshuriwa xo hlaya swin'we xi fanele ku letela ku Tsala Swin'we laha mudyondzisi a kombetaka matsalelo ya xitshuriwa kutani vana va titoloveta matsalelo ya xitshuriwa hi ku byela mudyondzisi leswi lavekaka. Mudyondzisi u ta va a ri karhi a va letela no tsala leswi va swi vulaka. Maletelalo lama ma maendlelo yo tsala ma pfuna ku lulamisela vana ku titsalela mgingiriko ya vona.

1

Ann u ya eka dokodela



Namuntlha Ann wa vabya.

Ann u twa ku hisa.

U byela Bobo thedi ya yena u ri,
"Ndza vabya. Ndzi twa ku hisa."





Manana wa Ann u yisa Ann eka
dokodela. Manana u byela muongori
leswaku Ann wa vabya.

“Ann u hisa ngopfu,” ku vula manana.

Ku nga ri khale dokodela u vitana Ann.

"Avuxeni Ann, u titwa njhani?" ku vutisa dokodela.

Ann u hlamusela dokodela leswaku wa vabya. Dokodela u vula leswaku u ta kambela Ann.





"A hi voneni leswaku u na ntiko wo
tanihi kwihi," ku vula dokodela.

"Swi kahle, u na ntiko wa 25 wa
tikilogiramu," ku vula dokodela.

"A hi voneni leswaku u lehile ku fika kwihi," ku vula dokodela.

"U lehile ku ringana 125 wa tisentimitara," ku vula dokodela.



Dokodela u tweela khwiri ra Ann.




A swi nga vavi.

Dokodela a yingisela xifuva xa Ann.



Dokodela u languta enon'wini wa Ann.



A swi nga vavi.

Dokodela u byela Ann, " Wa vabya.
U na mukhuhlwana. Ndzi fanele ku
ku tlhava njhekixeni ndzi tlhela ndzi
ku nyika na mirhi.

Dokodela a tlhava Ann njhekixeni.
A swi vavanyana.

"Yoo!" ku cema Ann.



Kutani Ann u kombela dokodela
leswaku a pfunu Bobo.

"Yoo, Bobo, na wena wa vabya?" ku
vutisa dokodela.

Dokodela u yingisela xifuva xa Bobo.
A swi nga vavi.



A swi nga vavi.



Kutani dokodela u bandicha nenge
wa Bobo.

“Sweswi u ta titwa u antswa,”
dokodela a byela Bobo.

Dokodela u nyikile Ann mirhi. Ann u fanele ku nwa xilepulana xin'we xa murhi kanharhu hi siku. U tlhela a nyika Ann lekere ra lolipopo.

"Ann, u nhwanyana loyi a nga riki na vutoya," ku vula dokodela.

"Inkomu dokodela," ku vula Ann.

"Dokodela, ndzi kombela leswaku mi nyika Bobo lolipopo."

"Ina!" ku vula dokodela.

Bobo a nga
kuma
tilolipopo
timbirhi.



2

Busi u xava bayisikiri



Busi a ku ri khale a lava ku xava bayisikiri. Hi Mugqivel a wun'wana u yile evhengeleni ra tibayisikiri na Pam. Endzhaku ka nkarhinyana, Busi na Pam a va yimile emahlweni ka bayisikiri leyi hinkwavo ka vona va yi rhandzeke: bayisikiri ya pinki wo vonakala! Hinkwavo va yi ringetile naswona va yi khandziyile yi famba kahle. U vurile a ku, "Pam, leyi i bayisikiri ya kahle swinene. Ndzi navela wonge ndzi nga yi xava."

Kambe baujisikiri yi durha R120 kasi Busi a khomile R50 ntsena. "Sweswi ndzi na mali leyi lavaka ku ringana na leyi lavekaka ku kota ku xava bayisikiri," ku ehleketa Busi.

Loko Busi a khoma 9 wa malembe,

malume wa yena u n'wi nyikile R50.

Busi u komberile tatana wa yena
leswaku a n'wi nyika R20.

Tatana u te, "Ndzi ta ku nyika R20,
kambe u fanerile ku rhanga hi ku pfuna
exirhapani."

Va basisile hi ku rholela matluka va
tlhela va cheleta swimilana.

"Inkomu Pam hileswi u nga ndzi pfuna,"
ku vula Busi. Kutani
va sukile va famba
ku ya xava bayisikiri
Busi a ri karhi a
khomile xipaci xa
yena.




Vanhwanyana va tiphinile hi ku
khandziya tibayisikiri ta vona. Siku
rin'wana loko va
ha khandziyile ...

Ina Pam, swa
tsakisa loko
hinkwerhu hi
khandziyile
tibayisikiri.



Ina Busi, swa tsakisa. Ndzi
tsakile hikuva hinkwerhu
hi na tibayisikiri.




Pam, yingisela.
Ku rila
ximanga.



Mbuya! Vona ncila wa xona
wu khomiwile hi darada.




Yoo, i
ximanganyana
mbuya!



Hi ta endla yini
hi ximanga?



Ndzi tsakile hikuva hi pfunile
ximanga. Ku fanerile ku ri na
munhu loyi a lavanaka na xona.



Ndzi vonile phositara ya
XIMANGA LEXI LAHLEKEKE
ekusuhi na le xikolweni. A hi fambe.




LESWI LAHLEKEKE

Ndzi lahlekeriwile hi ximanga xa mina.
I xa muhlovo wo basa na wa jinja kasi
xa cingela loko xi twa vito ra Jinja.
Loko wo kuma ximanga xa mina, fonela
Brenda eka 01234567.



Ndzi ta ta ndzi ta teka ximanga.

Busi u vekile ximanga endzeni ka
basikiti hi vukheta eka bayisikiri ya
yena ya pinki a famba na xona ekaya.
U fikile a fonela Brenda. Hi xinkadyana
Brenda u tile a ta teka Jinja.
Hinkwavo a va tsakile loko va vonana.



Ha ku amukela eka ntlhandlamano wa Tibuku Letikulu. Buku Leyikulu leyi i xiyege xa ntlhandlamano wa tibuku ta Rainbow, lowu katsaka tibuku to tirhela, nhlengelo wa swihlayahlaya, tibuku to hlaya ku ya hi tigiredi na tiphositara. Hi tshemba leswaku switori swo hambanahambana eka Tibuku Letikulu ta nhungu swi ta ku pfuna eka madyondzisele ya wena na leswaku vadyondzi va ta tiphina hi ku hlaya swin'we ka vona.

Xitatimende xa Pholisi ya Kharikhulamu na Makambelelo (XIPHOKHAMA) eka Xijimo xa Masungulo xi kombisa ku hlaya swin'we tanihu xin'wana xa swiyenge swa nkoka swa maendlelo yo hlaya. Ku hlaya swin'we ko tala ku endliwa exikarhi ka masiku mambirhi ku ya eka masiku ya mune evhikini naswona n'wana un'wana na un'wana u va a ri na xitshuriwa lexi fanaka leswaku a ta hlaya. Tibuku to tirhela na tibuku to hlaya ta tigiredi ti lulamerile xikongomelo lexi.


Hambiswiritano, ku hlaya swin'we hi ku tirhisa Buku Leyikulu leyi nga na maletere lama kurisiweke i ndlela leyi faneleke ya maendlele ya ku hlaya swin'we hikuva vana va kota ku vona marito na swifaniso no tlhela va kota ku landzelela loko u ri karhi u hlaya hi ndlela leyi fanaka na ya mahlayelo ya ntoloveloyi switori swa vandyangu. Swi na nkoka leswaku vana va tshama va rhendzela Buku Leyikulu leswaku va kota ku vona no hlaya xitshuriwa. Maletere lama kurisiweke ya tibuku letikulu ya endla leswaku swi koteke ku hlayela ehenhla u hlayela vana vo tala hi nkarhi wun'we eka mbangu lowu nga rhula.

I ntirho wa wena tanihu mudyondzisi ku endla leswaku switori swi hanya leswaku vana va kota ku tumbuluxa mbangu wo tiphina na ntsako.

Mianakanyo yin'wana ya ku tirhisa Buku Leyikulu

- Tirhisa phepha ra pulasitiki leyi vonikelaka tanihu khavhara ya Buku Leyikulu ya wena. Swi ta pfuna eka vadyondzi na mudyondzisi loko va tsala eka pulasitiki.
- Tsala eka khavhara hi pene leyi sulekaka.
- Tirhisa tlilipi ya bulldog ku nameka khavhara yo vonikela eka Buku Leyikulu.

ISBN 978-1-4315-2996-4



ISBN 978-1-4315-2996-4

THIS BOOK MAY NOT BE SOLD.



basic education

Department:
Basic Education
REPUBLIC OF SOUTH AFRICA

Published by the Department of Basic Education
222 Struben Street, Pretoria
South Africa

© Department of Basic Education
First edition 2016

The Department of Basic Education has made every effort to trace copyright holders but if any have been inadvertently overlooked, the Department will be pleased to make the necessary arrangements at the first opportunity.

The Big Books in this series are available in all languages. They were developed by a team of UNISA Language and Education experts as part of their Community Engagement contribution to South Africa's education sector.

Author: V McKay

Endla xitende xa wena xa Buku Leyikulu

U ta fanela ku va na:

- Khadibodo ya vuanami lebyi ringanaka na Buku Leyikulu loko yi pfuriwile (594 mm) na vulehi bya kanharhu (1360 mm).
- Thepe yo pfala.
- Titlilipi kumbe tiphekisi timbirhi to endla leswaku khadibodo yi tshama endhawini ya yona.

Tirhisa thepe yo pfala ku hlanganisa swiphemu swa khadibodo.

Petsa khadibodo u endla fureme ya A u tlhela u tlilipa tshaku na le mahlweni swin'we hilaha swi kombisiweke hakona laha hansi.

